

30 October 2024

1700 Hrs

ايونٽنگ گو جري نيو ز بليٽن مو رخه 30 اڪٽوبر 2024

يوه آکا شواني جمون بے محمد سفير تے غلام سرورتين خبر سُنو۔ پهلاں خاص خاص خبر۔

★10.1 انفنٽري ڏويڙن غا جي او سي ميچر جنرل سمير شري واستو غو كهنو بے جے 50 تين متا دہشت گرد سرحد غے قريب جمون خطہ مانہہ دراندازی کرن غی تاڙ مانہہ بين۔

★2. اکهنور ٿاڪره جس مانہہ 3 دہشت گرد ما ر دتا تھا اس جگہ تين متي مقدار مانہہ بتهيا رتے گولي سکو برآمد ڪيو بے۔

★3. جمون خطہ مانہہ بدھتي دہشت گردانه حرڪات غے پيش نظر تا ريخي مغل شاہراہ ور حفاظتي انتظامات تگڑہ کر دتا بين۔

★4. جمون و کشمير پبلڪ سروس ڪميشن غی طرفون جے ڪے اے ايس 2023 گا نتايج غو اعلان کر دتو گيو بے تے 71 اُميد واراں نانہہ طبي معائينہ واسطے بلايو گيو بے۔

خبراں غی تفصيل نال پهلاں محمد سفير۔

Infiltration Border

بھارتی فوج غا سينئر افسر غو كهنو بے جے 50 تين متا دہشت گرد سرحد غے قريب تين جمون خطہ مانہہ دراندازی غی تاڙ مانہہ بين۔ اور فوج ان نانہہ منہ توڙ جواب دين واسطے ڪمر بستہ بے۔ 10 انفنٽري ڏويڙن غا جي او سي ميچر جنرل سمير شريواستو نے اکهنور ٿاڪره غا ڪامياب اختتام تين بعد ذرائع ابلاغ سنگ گل ڪرتاں واں اظہا رکيو جے فوج دہشت گرداں نانہہ منہ توڙ جواب دے گی۔ واضع رہ جے اکهنور سيڪٽر مانہہ 27 گھنٽہ تک چلن آلا ٿاڪره مانہہ 3 دہشتگرد بلاک کر دتا گیا بين۔ اس موقعہ و ر اُن غے ہمراہ 28 وين انفنٽري برگيڊ ڪمانڊر برگيڊئر ڪپل تنيجہ، جمون کٽھوہ سانہہ رينج غی پوليس غا ڏي آئي جي شيو ڪمار شرما وی تھا۔

Weapon Recovery JK

حفاظتی دستاں نے اکھنور سیکٹر مانہہ بوا ٹاکرا آلا علاقہ تیں متی مقدار مانہہ گو لی سکھ غو پردو فاش کیو ہے۔ مہارا نمائندہ غے مطابق مذکورہ علاقہ مانہہ سوموار تیں شروع بوا آپریشن مانہہ 3 دہشت گرد ہلاک کیا گیا ہیں ٹاکرہ تیں بعد تلاشی کا روائی غے دوران 1 ایم 4 کا رہا ٹن رائفل، اے کے 47 رائفل، ہتھ گولہ تے کئی میگزین وی برآمد کی ہیں۔ ان ہتھیاراں غے علاوہ شمسی پینل، سیٹ لائیٹ فون، فوجی وردی تے کچھ دیگر برقیاتی مواد وی برآمد کیو گیو ہے۔ اس معاملہ غی مزید تفتیش اجوں جاری ہے۔

Mugal Road Security

جموں خطہ مانہہ پُرتشدد سرگرمیاں مانہہ اضافہ غی وجہ سنگ حفاظتی دستاں نے تا ریخی مغل شاہراہ تے اس غے نال ملتا جلتا علاقوں وں چوکسی تے جانچ پڑتال کا نظام نانہہ بدھا دتو ہے۔ اس سلسلہ مانہہ تا ریخی مغل شاہراہ اک بین خطہ رستو ہے جھپڑو وادی کشمیر نانہہ جموں صوبہ کا سرحدی ضلع راجو ری تے ضلع پونچھ نانہہ جوڑے۔ اس سلسلہ مانہہ حفاظتی دستاں نے مغل شاہراہ وں تمام گڈیاں تے پیدل چلن آلاں غی نقل و حرکت وں نظر رکھن کا نظام نانہہ بدھا دتو ہے۔

Army Phantom

جموں کا اکھنور سیکٹر مانہہ فوج تے دہشت گرداں مابین ٹاکرہ مانہہ فوج کا جان گنوان آلا کھوجی کُتا فنٹوم نانہہ فوج نے اس غی بہا دری تے قربانی وں خراج عقیدت پیش کیو۔ ذرائع نے دسیو جے اس کُتا نے مذکورہ آپریشن مانہہ اہم کردار ادا کیو تھو۔ فوج نے آج اُدھم پو ر مانہہ فنٹوم نانہہ ترنگا مانہہ پہلیٹ غے اعزاز سنگ اس غی آخری رسومات ادا کی۔ واٹ نائٹ کو ر نے سماجی میڈیا ایکس وں پوسٹ مانہہ اظہار کیو ہے جے اس غی قربانی نہ بھولیو جا سیں۔

Terrorist Arrest

حفاظتی دستاں نے گذشتہ کل جنوبی کشمیر کا ضلع پلوامہ مانہہ دہشت گرداں سنگ منسلک اک شخص نانہہ گرفتار کر غے اُس کا قبضہ 10 گرنیڈ برآمد کیا ہیں۔

حفاظتی دستاں نے ایس او جی، 55 راشٹریہ رائفل تے سی آر پی ایف غی 182 بٹالین گا جواناں غی سنجیالی سنگ دہشت گردانہ حملہ کران غی سُو لبھن تیں بعد سرکولر روڈ پلوامہ ور ناکو لا غے مذکو رہ شخص نانہہ گرفتار کیو۔ پولیس ترجمان غے مطابق مذکو رہ ناکہ ور تلاشی غے دوران دانش بشیر ولد بشیر احمد موضع ڈانگروپو رہ جھپڑو سکوٹی ور سوار تھو اس غا قبضہ تیں 10 زندہ گرنیڈ تے 5 بیٹریں ضبط کیں۔ اس بارے مزید توجہ تا چھ جا ری ہے اور مزید گرفتاریاں غو وی امکان ہے۔

JK Assembly Session

جموں کشمیر قانون ساز اسمبلی نے گذشتہ کل آئندہ پہلا اسمبلی اجلاس غو آغاز آئندہ 4 نومبر نانہہ سپیکر غا چناؤ تے لیفٹنٹ گو رنر غا خطاب سنگ وے گو۔ 5 نومبر نانہہ فوت شدہ شخصیات نانہہ خراج عقیدت پیش کیو جا ئے گو اور 6 تے 7 نومبر نانہہ ایل جی غا خطاب ور شکریہ غی تحریک تے اس غا جواب ور بحث کی جا ئے گی۔

یہ خبر تم آکا شوانی جموں تیں نشر کی جا رہی ہے خبراں غا باقی حصہ نال غلام سرور۔

JKPSC Result

جموں کشمیر پبلک سروس کمیشن نے سانجا مقابلہ جا تی امتحان 2023 غا نتیجاں غو اعلان کر دتو ہے۔ آکاشوانی جموں غا نامہ نگار غی طرفوں دسیو گیو ہے کہ منتخب اُمید واراں نانہہ طبی معائینہ واسطے بلایو گیو ہے۔ اس سلسلہ مانہہ جموں کشمیر پبلک سروس کمیشن غی طرفوں جا ری کر دہ سلیکشن لسٹ غے مطابق سنجیو کمار نے 1 ہزار 89 پوائنٹ حاصل کر غے پہلی پوزیشن حاصل کی ہے تے اقراء فاروق نے 1 ہزار 78 پوائنٹ حاصل کر غے دوجو نمبر جد کہ وسودہ شرما نے 1 ہزار 75 پوائنٹ حاصل کر غے تیجی پوزیشن حاصل کی۔ تاہم اس طرح جے کے پی ایس سی غی طرفوں 71 اُمید واراں غی فہرست جا ری کی گئی ہے۔ جن نانہہ طبی معائینہ واسطے بلایو گیو ہے۔ نو ٹیفیکیشن غے مطابق جنرل ایڈمنسٹریشن محکمہ نے اپریل 2023 مانہہ جموں کشمیر کما ٹنڈ کمپٹیٹو ایکزامینیشن نانہہ 75 آسامیاں غو حوالو دتو تھو۔ تاہم اس طرح 15 اکتوبر 2023 نانہہ اس غو ابتدائی امتحان کروایو گیو تھو جس مانہہ 30 ہزار 7 سو 56 اُمید واراں نے حصو ليو تھو۔ اس طرح 18 ہزار 8 سو

82 اُمید وار حاضر ہوا۔ کمیشن غی تہہ کردہ معیا ر غے مطابق 21 سو 44 اُمید واراں نے مینز امتحان واسطے اہل قرار دتو گئو تھو۔ جس مانہہ 77 اُمید واراں نانہہ سینٹرل ایڈمنسٹریٹو ٹریبونل غی ہدایت ور حاضر ہون غی اجازت دتی گئی تھی۔ اس طرح مینز غو امتحان 26 ما رچ تیں 3 اپریل 2024 نانہہ کرایو گئو تھو جس مانہہ کُل 1 ہزار 2 سو 96 اُمیدواراں نے سارا پرچہ دتا تھا۔ تے 274 اُمید واراں نانہہ وائیوا واسطے بلایو گئو تھو تے وائیو 21 اکتوبر تیں 29 اکتوبر 2024 نانہہ لیو گئو۔ اس طرح 274 اُمید واراں وچوں 266 اُمید واراں نے وائیوہ مانہہ شرکت کی تھی۔

PM Ekta Diwas

وزیر اعظم نریندر مو دی اج شام ایکتا نگر مانہہ مختلف بنیا دی ڈھانچاں تے ترقیاتی منصوباں غو افتتاح تے سنگ بنیا د رکھیں گا۔ اس طرح ویں آرمبہ 6.0 مانہہ 99 ویں کامن فاؤنڈیشن کو رس گا تربیتی عہدیداراں سنگ وی ملاقات کریں گا۔ ان منصوباں غو مقصد سیاحاں نانہہ مزید بدھانو، رسائی نانہہ بہتر بنانو تے علاقاں مانہہ پائیدار غا اقدامات غی حمایت کرنو ہے۔ وزیر اعظم بو نسائی گا رڈن سردار سروور ڈیم تجربہ مرکز، سب ضلع ہسپتال، ٹریفک سرکل، سمارٹ بس سٹاپ وغیرہ سمیت کئی پروجیکٹاں غو افتتاح وی کریں گا۔ جھیڑو جے ایکتا نگر مانہہ مزید ترقی دے گو۔ حالیہ بہراں مانہہ کیوڈیا مانہہ واقع اتحاد با رے مجسمو دُنیا غو سب تیں اُنچو مجسمو عالمی سیاحاں غی توجہ غو مرکز بن گئو ہے۔

Nadda Oath of Unity

مرکزی وزیر صحت جگت پرکاش نڈا نے اج نوی دہلی مانہہ عالمی اتحاد تہاڑا 2024 غا موقعہ ور اتحاد غو عہد کیو۔ صحت کی وزیر مملکت، صحتی غی سیکریٹری تے اعلیٰ عہدیداراں نے وی عہد لیو۔ عالمی اتحاد تہاڑو ہر سال 31 اکتوبر نانہہ سردار ولہہ بھائی پٹیل غی یوم پیدائش ور منایو جا ئے۔ اس تقریب غو مقصد سردار ولہہ بھائی پٹیل غی قربانیاں غو احترام کرنو ہے جنہاں غا نظریہ تے قیادت نے قوم نانہہ اک جُٹ کرن مانہہ اہم کردار ادا کیو۔ اس موقعہ ور خطاب کرتاں واں وزیر موصوف نے کہیو کہ ”ایک بھارت سریشٹھ بھارت“ غی بنیا د سردار ولہہ بھائی پٹیل نے رکھی تھی اُنہاں نے اک مربوط تے ترقی پسند معاشرہ نانہہ فروغ دین مانہہ قومی اتہاد غی اہمیت ور زور دتو۔

PM Ayushman Bharat

آیوشمان بھارت پردھان منتری جن آروگیہ یوجنا نانہہ مزید فروغ دیتاں واں وزیر اعظم نریندر مو دی نے 70 سال یاہ اُس تیں متی عمر غا بزرگ شہریاں واسطے صحت کوریج مانہہ توسیع غو آغاز کیو ہے۔ وزیر اعظم نے اس گل ور اطمینان غو اظہار کیو کہ مُلک مانہہ تقریباً 4 کروڑ غریب لوکاں نے بغیر کسی وی رقم ادا کیاں آیوشمان یوجنا غو فائدو چایو ہے۔ اُنہاں نے مزید کہیو کہ مُلک غا 70 یاہ اس تیں متی عمر غا بزرگ شہریاں نانہہ آیوشمان وائے وندن غے ذریعے ہسپتالاں مانہہ مفت ا علاج ملے گو۔ وزیر اعظم نے کہیو جے کارڈ سب واسطے برابر ہے۔ آمدنی ور کوئی پا بندی نہیں ہے چاہے وہ غریب وے یاہ متوسط طبقہ یاہ اعلیٰ طبقہ غو وے۔

SEC Panchyat Rolls

جموں کشمیر غا ربا سٹی چناؤ کمیشن نے پنچایتی چناؤ واسطے نظر ثانی چنا وی فہرست 2025 با رے تا ریخاں غو اعلان کیو ہے۔ آکاشوانی جموں گا نمائندہ نے اطلاع دتی ہے جے ربا سٹی چناؤ کمشنر بی آر شرما غی طرفوں جاری کی گئی دستاویز غے مطابق چناوی فہرست پی ای آر 1 فارم آئندہ 11 نومبر نانہہ جاری کی جائے گی۔ اور اس با رے کسے وی غلطی غی سدھارناں داخل کرن یاہ بٹان غو سلسلو 9 دسمبر تک جاری رہے گو۔ اور اس سلسلہ مانہہ متعلقہ پولینگ بوتھ ور نومبر مہینہ غی 16/17/23/24/30 تے دسمبر غی پہلی تا ریخ نانہہ خصوصی کیمپ منعقد کیا جائیں گا۔ اور اس موقعہ ور پنچایتی چناؤ بوتھ افسراں غے ہمراہ متعلقہ بی ایل او وی موجود رہیں گا۔ واضح رہے جے مذکورہ دعواں تے اعتراضات غو ازالو ای آر او 23 دسمبر نانہہ کریں گا اور پنچایتی چناؤ غی حتمی فہرست 6 جنوری 2025 نانہہ جاری کی جائے گی۔

JKSC JMC e Bus

جموں میونسپل کارپوریشن غا کمشنر تے جموں سمارٹ سیٹی غا سی ای او ڈاکٹر دیوانش یا دؤ نے برقی گڈیاں غی خدمات غو جائزو لین گا سلسلہ مانہہ ای بس رستہ غو تفصیلی دورو کیو اور مسافراں غا تاثرات وی سُنیا۔ اس دوران اُنہاں نے گڈیاں غی دستیابی، صفائی تے کرایہ با رے وی جانکا ری حاصل کی جس با رے

ویلے کبیلے شکایات دیکھن نانہہ لبیں تھیں۔ اُن نے متعلقین نانہہ تاکید کی ہے اس تہوار ی موسم ور مسافراں غو سفر آسان بنان غی ہر ممکنہ کو شش کریں۔ ڈاکٹر یا دؤ نے موثر آمدو رفت غا نظام بحال کرن غی وی تاکید کی۔

Railways Special Train

بھارتی ریلوے دیوالی تے چھٹ پوجا غا تہوار غا موسم مانہہ مسافراں غا رش نانہہ دیکھتاں ہزاراں غی تعداد مانہہ خصوصی ٹرین چلا رہی ہے۔ مسافراں غی آسانی واسطے گذشتہ سال غا مقابلہ مانہہ اس سال 2 ہزار 5 سو اضافی ٹرین چلائی جا رہی ہیں۔ حال ہی مانہہ ریلوے وزیر نے اعلان کیو تھو کہ اس سال خصوصی ریل گڈیاں غی تعداد بدھ غے 7 ہزار ہو گئی ہے۔ اُنہاں نے کہیو کہ ان خصوصی ریل گڈیاں تیں روزانہ غی بنیا د ور لگ بھگ 2 لکھ اضافی مسافر سفر کر سکیں۔ تہوار غا موسم مانہہ مسافراں غی متی تعداد مانہہ موثر طریقہ سنگ نمڑیا جان تے ریلوے اسٹیشن ور مسافراں نانہہ بغیر کسی رکاوٹ غے خدمات فراہم کرن با رے کئی اقدام چایا گیا ہیں۔ مہارا نامہ نگار نے دسیو ہے کہ اسٹیشن ور اک نامزد ہو لڈینگ ایریا قائم کیو گیو ہے۔ جھیڑو جے اضافی ٹکٹ کوئرتیں لیس ہے۔

اس غے نال ہی خبراں غو یوہ بلیٹن ختم ہوؤ۔